

BOSNA I HERCEGOVINA  
FEDEDRACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕДРАЦИЈА БОСНЕ И ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br. 1. 75290 Banovići

Tel:00387 35 74 34 00, Fax:00387 35 74 34 33, e-mail: [opcina@banovici.gov.ba](mailto:opcina@banovici.gov.ba), Web: [www.banovici.gov.ba](http://www.banovici.gov.ba)

Broj: 01-04-1221/24  
Banovići, 14. 05. 2024.godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine F BiH“ broj 49/06), člana 43. Statuta općine Banovići („Službeni Glasnik općine Banovići“ broj: 2/20), Odluke o utvrđivanju postupka, uslova i kriterija za raspodjelu sredstava iz Budžeta općine Banovići za kulturne manifestacije, broj:01-04-1219/24 od 14.05.2024 godine, Općinski načelnik raspisuje:

## JAVNI POZIV

za raspodjelu sredstava iz Budžeta općine Banovići za kulturne manifestacije za 2024. godinu

### I PRAVO UČEŠĆA

Pravo učešća na ovaj Javni poziv imaju javne ustanova, udruženja građana i druga pravna lica koja se prema svojim registrovanim djelatnostima bave kulturom i srodnim djelatnostima.

Sredstva koja se dodjeljuju **ne mogu** se koristiti za realizaciju redovnih aktivnosti budžetskih korisnika, za finansiranje plaća i drugih izdataka zaposlenika u pravnom licu, za investiciona ulaganja i sl.

### II USLOVI ZA DOBIJANJE SREDSTAVA

Pravna lica koja kandiduju projekte/programme po osnovu Javnog poziva (aplikanti), trebaju ispunjavati sljedeće uslove:

- da su registrovana u skladu sa zakonom,
- da su izmirila svoje obaveze po osnovu poreza i obaveznih doprinosa ili imaju sporazum o odgođenom plaćanju sa nadležnom poreskom upravom koji se izvršava na način utvrđen sporazumom,
- da imaju aktivan transakcioni račun u banci,
- da su opravdali namjenski utrošak sredstava dodijeljenih iz budžeta općine Banovići po prethodnim javnim pozivima,
- da po predloženim programima nisu dobili sredstva drugih nivoa vlasti ili ih nisu dobili u iznosu dovoljnom za realizaciju projekta/programa,
- da se projekat/program realizuje u kalendarskoj 2024. godini ili da će realizacija projekta/programa započeti i pretežnim dijelom biti realizovana u 2024. godini.

### III POTREBNA DOKUMENTACIJA

Prilikom prijavljivanja na Javni poziv, pravna lica (aplikanti) su dužni uz program/projekat kojim apliciraju i koji, između ostalog, obavezno treba da sadrži i elemente za bodovanje, dostaviti (u originalu ili ovjerenoj kopiji) sljedeće:

- a) popunjen i od strane ovlaštene osobe aplikanta potpisan aplikacijski obrazac,
- b) aktuelni izvod iz registra u kome je aplikant registriran, (za javne ustanove izvod iz sudskog registra; za udruženja – izvod iz registra udruženja),
- c) Uvjerenje o poreskoj registraciji (Identifikacioni broj),
- d) Obavještenje o razvrstavanju – Klasifikacija djelatnosti.
- e) Potvrda poslovne banke u kojoj je navedeno da račun nije blokiran i iz koje se vidi broj transakcijskog računa i ID broj korisnika, ne starija od 3 mjesec od dana objave Javnog poziva.
- f) Bilans stanja i bilans uspjeha za prethodnu godinu,
- g) Izjavu ovjerenu kod nadležnog organa da aplikant nema neizmirenih obaveza po osnovu poreza i doprinosa prema Poreznoj upravi odnosno izmirenja indirektnih poreza prema Upravi za indirektno oporezivanje, ukoliko je obveznik PDV-a.

### IV KRITERIJI ZA VREDNOVANJE PROJEKTA/PROGRAMA

- a) kvalitet ponuđenog projekta/programa,
- b) broj potencijalnih korisnika (posjetilaca) koji će biti obuhvaćeni programom/projektom (masovnost projekta),
- c) dužina trajanja projekta/programa,
- d) tradicija projekta/programa i značaj za općinu Banovići,
- e) broj osoba koje će biti angažovane na realizaciji projekta/programa i njihova stručnost i osposobljenost za realizaciju projekta/programa.

Kriterij pod a) kvalitet ponuđenog projekta/programa bodovat će se od 1 (jednog) do 20 (dvadeset) bodova a svi sljedeći kriteriji (pod b, c, d, i e) bodovat će se od 1 (jednog) do 10 (deset) bodova.

### V NAČIN PODNOŠENJA PRIJAVE

Prijavni obrazac i prateća dokumentacija dostavljaju se u jednoj zapečaćenoj kovrti, preporučenom pošiljkom ili lično putem Centra za pružanje usluga građanima općine Banovići (šalter sala), na sljedeću adresu:

Općina Banovići  
Služba za društvene djelatnosti i zajedničke poslove  
Ul. Alije Dostovića br. 1.,  
75290 Banovići

sa OBAVEZNOM naznakom:

**„Prijava na Javni poziv za dodjelu finansijskih sredstava iz Budžeta općine Banovići za kulturne manifestacije u 2024. godini – NE OTVARAJ“.**

**Javni poziv ostaje otvoren 8 dana od dana objavljivanja na web stranici općine Banovići.**

Javni poziv će biti objavljen na web stranici općine Banovići, oglasnim pločama općine Banovići i Radio Banovićima.

Nepotpuna dokumentacija i neblagovremene prijave neće se uzeti u razmatranje.

Sve dodatne informacije o načinu i postupku učešća u Javnom pozivu mogu se dobiti u Službi za društvene djelatnosti i zajedničke poslove općine Banovići, kancelarija direktno ili putem telefona 035-743-453 ili 035-743-410.

**DOSTAVLJENO:**

1x web stranica općine  
1x a/a

